



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ
ՆԱԽԱՐԱՐՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77

N 91/15/32

< 03 > 02 2023թ.

Գևորգ Սամվելի Գրիգորյանին
Հասցե՝ ք.Երևան, Արագածոտնի մարզի, գ.Ակունք, 7-րդ փ. 13 տուն

Ուղարկվում է վարչական մարմնի նախաձեռնությամբ ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում իրականացված վարչական վարույթի արդյունքում թիվ **8180228306** որոշումն անվավեր ճանաչելու մասին որոշման օրինակը:

Առդիր՝ << 4 >> թերթ:

**Պերի պարտականությունների ժամանակավոր
կատարող, ոստիկանության գնդապետ՝**

Ա. Մաթևոսյան

Կատ. Գ. Կիրակոսյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 14.06.2023թ. կայացված թիվ **8180297782** որոշումն անվավեր ճանաչելու մասին

03.07.2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա. Մաթևոսյանս, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածի հիմքով, վերանայելով 14.06.2023թ. կայացված թիվ **8180297782** որոշումը՝

Պ Ա Ր Զ Ե Ց Ի

2023 թվականի հունիսի 26-ին ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում ստացվել է Արագածոտնի մարզի գումարտակի հրամանատար, ոստիկանության մայոր՝ Միկեր Մելքոնյանի զեկուցագիրն այն մասին, որ նույն գումարտակի վարչական վարույթի իրականացման խմբի տեսուչ, ոստիկանության կապիտան՝ Հարություն Խաչատրյանի զեկուցագրի համաձայն 06.06.2023թ.-ին քաղաքացի Գևորգ Գրիգորյանի նկատմամբ կազմված վարչական իրավախախտման վերաբերյալ արձանագրությունը մուտքագրելիս տեխնիկական խնդիրների պատճառով բազայում վարորդի խախտումները բեռնելիս այլ արձանագրություններ չեն եղել, որի հետևանքով թիվ 8180297782 որոշումը վարորդի նկատմամբ կայացրել է սխալ, այն է՝ 1 տարի ժամկետով տրանսպորտային միջոցներ վարելու իրավունքից զրկելու փոխարեն կայացրել է որոշում 6 ամիս ժամկետով տրանսպորտային միջոցներ վարելու իրավունքը կասեցնելու մասին:

Նույն զեկուցագրի համաձայն սխալը հայտնաբերվել է 23.06.2023թ.-ին:

Զեկուցագրին կից ներկայացված թիվ 8180297782 վարչական ակտի պատճենի ուսումնասիրությամբ պարզվում է, որ քաղաքացի Գևորգ Սամվելի Գրիգորյանի նկատմամբ ՀՀ ՆԳՆ ոստիկանության պարեկային ծառայության Արագածոտնի մարզի գումարտակի կրտսեր պարեկ Կարեն Մելիքյանի կողմից 06.06.2023թ.-ին ժամը 09:20-ին կազմվել է վարչական իրավախախտման վերաբերյալ արձանագրություն այն բանի համար, որ վերջինս նույն օրը ժամը 09:10-ին խախտել է «Ճանապարհային երթևեկության անվտանգության ապահովման մասին» ՀՀ օրենքի 24-րդ հոդվածի 7-րդ մասի «ա» կետի պահանջները, այն է՝ «ՎԱԶ 2107» մակնիշի 37 QX 321 հաշվառման համարանիշի տրանսպորտային միջոցը Արագածոտնի մարզի Ագարակ գյուղի Մ1 ավտոճանապարհի 37-րդ կմ-ում վարել է ոչ սթափ վիճակում (սթափության վիճակի գննության թիվ 00119 արձանագրություն), իսկ արձանագրությանը զուգակցված թիվ 8180297782 որոշման ուսումնասիրությամբ պարզ է դառնում, որ ՀՀ ՆԳՆ ոստիկանության պարեկային ծառայության Արագածոտնի մարզի գումարտակի վարչական վարույթի իրականացման խմբի տեսուչ Խաչատրյանի կողմից «Վարչական իրավախախտումների վերաբերյալ» (Այսուհետ՝ ՎԻՎՕ) ՀՀ օրենսգրքի 126-րդ հոդվածի 1-ին մասի հատկանիշներով 14.06.2023թ. կայացվել է որոշում քաղաքացի Գևորգ Գրիգորյանի տրանսպորտային

միջոցներ վարելու իրավունքը 6 ամսով կասեցնելու մասին: Որոշման պատճենը նույն օր ստորագրությամբ հանձնվել է հասցեատիրոջ:

Զեկուցագրին կից ներկայացված թիվ 8180299354 վարչական ակտի պատճենի ուսումնասիրությամբ պարզվում է, որ Գևորգ Սամվելի Գրիգորյանի նկատմամբ 15.03.2023թ.-ին «Վարչական իրավախախտումների վերաբերյալ» ՀՀ օրենսգրքի 126-րդ հոդվածի 1-ին մասի հատկանիշներով կայացվել է որոշում՝ Գ.Գրիգորյանին 29.000 ՀՀ դրամի չափով տուգանելու և 4 տուգանային միավոր կիրառելու մասին:

Վերոգրյալից պարզ է դառնում, որ Գևորգ Սամվելի Գրիգորյանի նկատմամբ 15.03.2023թ. կայացվել է որոշում՝ ՎԻՎՕ-ի 126-րդ հոդվածի 1-ին մասի պահանջները խախտելու համար, այն է՝ տրանսպորտային միջոցը վարել է ոչ սթափ վիճակում սթափության վիճակի զննության թիվ 00016 արձանագրություն), իսկ 06.06.2023թ.-ին Գևորգ Գրիգորյանը ՎԻՎՕ-ի 126-րդ հոդվածի առաջին մասով նախատեսված արարքը վարչական տույժի նշանակման օրվանից հետո՝ մեկ տարվա ընթացքում կատարել է կրկին անգամ և վերջինիս նկատմամբ Հարություն Խաչատրյանը պետք է կայացներ որոշում ոչ թե տրանսպորտային միջոցներ վարելու իրավունքը 6 ամսով կասեցնելու մասին, այլ ՎԻՎՕ-ի 126-րդ հոդվածի 5-րդ մասի հատկանիշներով՝ տրանսպորտային միջոցներ վարելու իրավունքից 1 տարի ժամկետով զրկելու մասին:

«Ճանապարհային երթևեկության անվտանգության ապահովման մասին» ՀՀ օրենքի 24-րդ հոդվածի 7-րդ մասի «ա» կետի համաձայն՝ տրանսպորտային միջոցի երթևեկությունն արգելվում է, եթե՝ վարորդը տրանսպորտային միջոցը վարում է ոչ սթափ վիճակում կամ հրաժարվում կամ որևէ ձևով խուսափում է սթափության վիճակի զննությունից:

ՎԻՎՕ-ի 126-րդ մասի 1-ին մասի համաձայն՝ տրանսպորտային միջոցները ոչ սթափ վիճակում վարելը, եթե վարորդը միայն ակոհոլի ազդեցության տակ է, և զանցանքը չի պարունակում սույն հոդվածի երկրորդից հինգերորդ մասերի հատկանիշները՝ առաջացնում է տուգանքի նշանակում՝ սահմանված նվազագույն աշխատավարձի քսանիննապատիկի չափով, տուգանային միավորի կիրառում՝ 4 միավոր:

Նույն հոդվածի 5-րդ մասի համաձայն՝ սույն հոդվածի առաջին մասով նախատեսված արարքը վարչական տույժի նշանակման օրվանից հետո՝ մեկ տարվա ընթացքում, կրկին կատարելը՝ առաջացնում է տրանսպորտային միջոցներ վարելու իրավունքից զրկում՝ մեկ տարի ժամկետով:

<<Վարչական իրավախախտումների վերաբերյալ>> ՀՀ օրենսգրքի 129.3-րդ հոդվածի համաձայն՝ տուգանային միավորի ձևով վարչական տույժ նախատեսող՝ ճանապարհային երթևեկության կանոնների (ճանապարհային երթևեկության անվտանգության ապահովման բնագավառի օրենսդրության) խախտումներ պարբերաբար կատարելը, այսինքն՝ սույն օրենսգրքի 123.3-րդ հոդվածի 1-ին, 123.5-րդ հոդվածի 1-ին, 1.1-ին, 5-րդ, 124-րդ հոդվածի 2-րդ, 5-րդ, 6-րդ, 8-րդ, 9-րդ, 11-րդ, 14-րդ, 17-րդ, 18-րդ, 21-23-րդ, 26-րդ, 124.3-րդ հոդվածի 1-ին, 124.4-րդ հոդվածի 2-4-րդ, 124.6-րդ հոդվածի 1-ին, **126-րդ հոդվածի 1-ին**, 135.2-րդ հոդվածի 1-ին կամ 2-րդ մասերով նախատեսված արարք կատարելը, եթե այդ իրավախախտման համար նախատեսված տուգանային միավորի և տվյալ տարում վարորդի նկատմամբ կիրառված տուգանային միավորների հանրագումարը կազմում է 9 կամ ավելի միավոր՝ **առաջացնում է տրանսպորտային միջոցներ վարելու իրավունքի կասեցում՝ վեց ամիս ժամկետով:**

<<Վարչական իրավախախտումների վերաբերյալ>> ՀՀ օրենսգրքի 281-րդ հոդվածի 2-րդ պարբերությունը սահմանում է, որ վարչական իրավախախտման գործի որոշումը պետք է պարունակի՝ այն ընդունած մարմնի (պաշտոնատար անձի) անվանումը, գործի քննության ժամանակաթիվը. տեղեկություններ այն անձի մասին, որի վերաբերյալ քննվում է գործը. **գործի քննության ընթացքում հաստատված հանգամանքների շարադրանքը, տվյալ վարչական իրավախախտման համար պատասխանատվություն նախատեսող նորմատիվ ակտի նշումը. գործի վերաբերյալ ընդունված որոշումը:**

<<Վարչական իրավախախտումների վերաբերյալ>> ՀՀ օրենսգրքի 293-րդ հոդվածի 4-րդ մասի համաձայն վարչական իրավախախտման համար պատասխանատվության մասին նորմատիվ ակտով նախատեսված շրջանակներում փոխում է նշանակված տույժի միջոցը, բայց այնպես, որ տույժը չխստացվի:

<<Վարչարարության հիմունքների և վարչական վարույթի մասին>> ՀՀ օրենքի 57-րդ հոդվածի 1-ին մասի համաձայն՝ գրավոր կամ գրավոր հաստատված վարչական ակտը պետք է պարունակի հիմնավորում, որոնք պետք է նշվեն համապատասխան որոշում ընդունելու բոլոր էական փաստական և իրավական հիմքերը:

<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

Նույն օրենքի 77-րդ հոդվածի 1-ին մասի <<ա>> կետը սահմանում է, որ 63-րդ հոդվածով սահմանված հիմքերը վարչական ակտի փոփոխման կամ բեկանման հիմքեր են:

<<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածի համաձայն՝ վարչական մարմնի ընդունած վարչական ակտի վերաբերյալ բողոքի բացակայության դեպքում այդպիսի ակտ ընդունած վարչական մարմնի վերադաս վարչական մարմինը (պաշտոնատար անձը), վերահսկողության կարգով և իր նախաձեռնությամբ, իրավունք ունի վերանայել ստորադաս վարչական մարմնի ընդունած վարչական ակտը:

Տվյալ պարագայում ՀՀ ՆԳՆ ոստիկանության պարեկային ծառայության Արագածոտնի մարզի գումարտակի վարչական վարույթի իրականացման խմբի տեսուչ, ոստիկանության կապիտան՝ Հարություն Խաչատրյանի կողմից թիվ **14.06.2023թ.-ին 8180297782** որոշումն ընդունվել է օրենքի սխալ կիրառմամբ, այսինքն՝ ընդունել է ոչ իրավաչափ վարչական ակտ, որը վերոնշված հիմքերով ենթակա է անվավեր ճանաչման:

Ելնելով վերոգրյալից և ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետով և 67-րդ հոդվածով՝


Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 14.06.2023թ. կայացված թիվ **8180297782** որոշումը ճանաչել անվավեր:

2. Որոշման օրինակն ուղարկել Գևորգ Սամվելի Գրիգորյանին և ՀՀ ՆԳՆ ոստիկանության պարեկային ծառայության Արագածոտնի մարզի գումարտակ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

Պետի պարտականությունների ժամանակավոր

կատարող, ոստիկանության գնդապետ՝



Ա. Մաթևոսյան